

四庫全書

子部

欽定四庫全書

羣書考索後集卷五

宋 章如愚 編

官制門

三公類

夏商以前云三公無官 伊尹曰三公調陰陽周以太  
師太傅太保曰三公 記曰三公無官古有其人然後  
充之舜之於堯伊尹之於湯周公召公之於周是也

或說司馬主天司徒主人司空主土是為三公漢以丞相大司馬御史大夫為三公後漢以太尉司徒司空為三公天地災變即皆冊免自太尉徐防始焉靈帝就長安拜張溫為太尉三公在外自溫始也魏晉宋齊梁陳後魏北齊皆以太尉司徒司空為三公宋志云三公之職太師居首晉帝名師故置太宰以代之後周以太師太傅太保為三公司徒為卿隋以太尉司徒司空為三公唐因之

理道要缺

宋治平二年詔自今皇子及

宗室早屬除檢校師傅言隨其遷序改授三公仍俟加恩改授 元祐令太尉司宰司空為三公

### 三師

三師太師太傅太保古官 殷太甲時伊尹為太保紂

時胥餘為太師

見漢儀注

又記曰虞夏商周有師保

疑丞成王作周官立太師太傅太保茲為三公尚書

逸禮三公為太師周公為太傅召公為太保 前漢承

秦制闕三公之位 呂后以王陵為太傅陵免官省

平帝元始元年始置太師太傅太保金印紫綬太師位

在太傅上太保次太傅

漢百官表

漢志傅保在三公

上號曰上公

初學記

明雖天子必有所師

六典

東

漢以後常曰上公

初學記

其後或置或廢大抵無所統

職晉初依周備三公三公之職太師居首景帝名師故

置太宰以代之

宋百官志

宋太師太傅太保為三公訓

護人主道以德義天子加拜以不臣之禮非其人則缺

宋書

南齊唯置太傅

南齊百官志

至後魏特稱三師

以正其名正一品然非道德崇重則不居其位無其人

則缺之

六典

後齊多循後魏置太宰太傅太保是為

三師

隋百官志

近代陳多以為贈官

六典

後周改為

三公

六典及注

隋高祖既受命置三師三公三師不

主事不置府僚蓋與天子坐而論道者也

隋百官志

煬帝即位廢三師官

隋百官志

唐太師太傅太保各

一人是為三師

唐百官志

其或親王自拜者但存其名

耳

六典及注

宋之制以太師太傅太保為三師太

祖時符彥卿為太師李彝興自守太傅為太尉高保融  
自守太保為太傅 元祐令太師太傅太保為三師  
三公之官尤重太師趙韓王以勲文潞公以年方得之  
此二年不拜自司空五遷至太師 王文正公呂文靖  
公皆任相二十年纔以太尉致仕可見宋朝重太師之  
官也 政和二年詔曰太師太傅太保此古三公之官  
為宰相之任今為三師然古無三師之稱合依三代為  
三公官不必備惟其人為真相之任若除三公即為宰

相 靖康末詔依元豐故事以僕射為宰相三公止為  
階官不復與三省之政焉 職畧

### 三少

周以少師少傅少保為三孤貳公弘化寅亮天地弼予一  
人 通典曰此三官名曰三孤孤特也言卑於公尊於  
卿特置此三人 書微子殷既錯天命微子作誥 公師  
少師佐少師孤卿

### 秦漢而下省

前漢百官公卿表太師太傅太保為三公又立三少為



之副少師少傅少保是為三孤與六卿為九焉

後漢百官志太傅天子燕業反其學左右之習詭其師  
合諸侯遇大臣不知文雅之辭已語之適簡聞少誦不  
博不習此少師之責也天子居處出入不以禮衣服冠  
帶不以制御服列側不以度采服從好不以章忿悅不  
以義與奪不以節此少傅之責也天子居處燕私安而  
易樂而取飲食不時醉飽不節寢起早晏無常玩好器  
弄無制此少保之責也

後周置三孤以貳三師

宋初沿唐制置三師以太尉司徒司空為三公 元豐  
肇新官制於三師三公無所改 政和二年詔司徒司  
空周六卿之官非三公之任乃今之六曹尚書是也

太尉秦官居主兵之任亦非三公太尉司徒司空並罷  
依周制三孤之官乃次輔之任或稱三少為次相之任  
通典續會要

檢校官

唐有檢校官 宋之制檢校官一十九三公三師六左

僕射至水部郎共十三 元豐官制行左僕以下皆為

職事官故罷之凡三師三公除授自司徒遷太保太保

遷太傅太傅遷太尉太尉遷太師檢校官亦如之 續會

要

政和二年罷太尉司徒司空以少師少傅少保為

三少後亦置檢校官 紹興七年士裏檢校少師錢忱

檢校少保

宰相

黃帝置六相謂得蚩尤而明天道得太常而察地理得  
蒼龍而辨東方得祝融而辨南方得風后而辨西方  
得后土而辨北方謂之六相

堯有十六相 虞舜臣堯舉八愷使主后土以揆百事  
莫不時叙地平天成舉八元使布五穀於四方內平  
外成謂之十六相 並通典

殷湯有左右相 以伊尹為右相以仲虺為左相 宋百官志

武丁得傳說爰立作相王置諸其左右

書說命篇

周成王有左右相

召公為保周公為師相成王為左

右亦其任也

秦悼武王二年始置左右丞相官

以樗里疾甘茂為

左右丞相茂為左疾為右

史記

莊襄王又以呂不

常為丞相及始皇立尊呂不常為相國則相國丞相

皆秦官也 金印紫綬掌承天子助理萬幾 秦初

有左右荀悅曰秦本次國命卿二人是以置左右丞

相無三公官至二世復有中丞相

漢高帝即位置一相綠綬 高帝三年拜曹參為假左丞相即漢初丞相當有左右今言一丞相或漢書之誤 以蕭何為之及誅韓信乃拜何為相國何亮以曹參為之 孝惠高后置左右丞相 文帝二年復置一丞相月俸六萬 初陳平為左丞相及誅諸呂文帝初立平乃謝病以讓周勃乃以勃為以丞相位第一平為左丞相位第二勃免平專為左相 武帝用

劉屈氂為左丞相分官局為兩府虛其名以待四方之選 成帝綏和元年御史大夫何武建言宜建三公官定卿大夫之任分職授政以考功效於是上拜曲陽侯王根為大司馬而何武自御史大夫改為大司空皆金印紫綬比丞相則三公俱為宰相 哀帝復罷大司空元壽二年更名丞相為大司徒初漢制常以列侯為相惟公孫弘布衣數年登相位武帝乃封為平津侯其後為故事至丞相而封自弘始也 通

典

漢東京不復置

宋百官志

後漢廢丞相及御史大夫而以太尉司徒司空總理  
衆務則三公復為宰相矣 獻帝建安十三年復置  
丞相而以曹公居之又有相國

魏黃初元年改丞相為司徒 文帝復置中書監令並  
掌機密自是中書多為樞機之任復置大丞相第一  
品後又有相國齊王以司馬師為之高貴鄉公以司  
馬昭為之 吳有左右丞相



晉惠帝永寧元年罷丞相復置司徒 趙王倫篡位以  
梁王彤為丞相 永興元年以成都王穎為丞相  
愍帝建興元年以琅瑯王睿為左丞相南陽王保為  
右丞相三年以保為相國睿為丞相其後或有相國  
或有丞相省置無常而中書監令常管機要多為宰  
相之任 元帝渡江以王敦為丞相轉司徒荀組為  
太尉以司徒官屬并丞相為留府敦不受 成帝以  
王導為丞相罷司徒府以為丞相府導薨罷丞相復

為司徒府

宋孝武帝初唯以南郡王義宣為丞相而司徒府始如故亦有相國丞相金章紫綬進賢三梁冠絳朝服佩山玄玉相國則綠盭綬也

齊不用人以為贈官 齊職儀相國綬衮冕服

梁罷相國置丞相罷丞相置司徒

陳又置相國位列丞相上并丞相並為贈官 自魏晉以來宰相但以他官參掌機密或委知政事者則是

矣無有常官其相國丞相或為贈官或則不置自為  
尊崇之位多非人臣之職其真為宰相者不必居此

官通典相國丞相秩萬石

後魏舊制有大將軍不置太尉有丞相不置司徒自正  
光以後始俱置之

北齊乾明中置丞相河清中分為左右各置府僚然而  
為宰相兼持朝政者亦多為侍中 趙彥琛元文遙  
和士開同為宰相皆兼侍中

後周恭帝三年初行周禮建六官有大冢宰亦其任也  
靜帝二年置左右丞相 大象二年以楊堅為大丞  
相遂罷左右丞相官 文帝自大丞相代後周遂置  
內史納言即中書令侍中是為宰相亦有他官參預  
焉 柳述為兵部尚書掌機事又楊素為右僕射與  
高穎專掌朝政 並通典

唐世宰相名尤不正初以三省長官中書令侍中尚書  
令共議國政此宰相職也其後以太宗嘗為尚書令

臣下避不敢居其職由是僕射為尚書省長官與侍中中書令號為丞相品位既崇不欲輕授常以他官居宰相職而假以他名

唐百官志

如同中書門下三

品及平章事知政事參知機務參與政事及平章軍

國重事之名是也

通典

自太宗時杜淹以吏部尚

書參議朝政魏徵以祕書監參預朝政其後或曰參議得失參政知事之類其名非一皆宰相職也

貞觀八年李靖以疾辭位詔疾小瘳三兩日一至中書

門下平章事平章之名蓋始於此 其後李勣以太  
子詹事同中書門下三品者謂同侍中中書令也而  
同三品之名蓋起於此然二名不專用而他官居職  
者猶假他名如故自高宗以後為宰相者必加同中  
書門下三品而張文瓘以東臺侍郎同東西臺三品  
同三品入銜自文瓘始 武后龍朔二年改侍中為  
左相中書令為右相尚書僕射為立政後復改易  
奇 自先天之前其員頗多景龍中至十餘人開元

以來常以二人為限或多則三人 初三省長官議  
事於門下省之政事堂其後裴炎自侍中遷中書令  
乃徙政事堂於中書省開元中張說為相又改政事  
堂號中書門下列五房於其後一曰吏房二曰樞機  
房三曰兵房四曰戶房五曰刑禮房分曹以主衆務  
焉宰相事無不統故不以一職名官 自開元以後  
常以領他職雖欲重其事而反輕宰相之體故時方  
用兵則為節度使時崇儒學則為大學士時急財用

則為鹽鐵轉運使又其甚則為延資庫使至於國史  
太清宮之類其名頗多皆不足取法故不著其詳矣  
五代史 後唐長興四年樞密使馮贇加平章事以其  
家諱改同中書門下一品周顯德中樞密使吳廷祚  
亦以家諱改焉

宋沿唐舊制其命相必曰同中書門下平章事即真拜  
侍中者不復言平章事然國初止除范質趙普外是  
亦未嘗除人累朝因仍三省長官尚書中書令侍中



僕射不與政皆為空官特以寓祿秩位品而已 元

豐三年神宗肇新官制以左右僕射為宰相 左揆

兼東臺王文恭珪為左相兼門下侍郎右揆兼西臺

蔡忠懷確為右相兼中書侍郎行之三十年政和間

更左揆曰太宰右揆曰少宰而以三師三公是謂三

相 是時蔡魯公京以太師為公相宣和王黼以太

傅總三省之事 靖康末詔依元豐故事復為僕射

何東初除是命左右僕射必兼門下中書侍郎 建

炎三年呂願浩言被旨將元祐中司馬光建請併省  
奏召侍從參詳宰臣乃不兼兩省侍郎 中書門下

侍郎並為參知政事而復祖宗之舊為同中書門下

平章事

職畧中興會要

乾道七年詔丞相總齊百

揆贊襄治道事無不統而僕射之官名實未稱宜倣  
周漢之制明年改尚書左右僕射為左右丞相 其

侍中中書尚書二令官制雖存皆設而不除可並刪

去以左右丞相充其位

中興會要

宰屬

檢正宋熙寧三年中書門下言奉旨議中書初置士人為屬官伏以中書統治百官以佐天子政事而所置吏屬尚仍舊制宜高選士人稍依先王設弼置輔之意今欲置檢正五房公事一人逐房各置檢正公事二人並以朝官充或用京兆官若選人即為習學公事見宰相參政如常朝官之禮檢正五房在提點之上逐房檢正與提點序官在堂後官之上職官

分紀 官制行罷之其職歸左右司焉四朝志 建

炎三年以軍興多事文移培增再置中書門下檢正  
諸房公事二員序位在左司上次年罷紹興二年復  
置一員中興會要

左右司隋煬帝三年尚書都司置左右司郎中各一  
人品同諸曹郎從五品 掌都省之職通典

唐武德省貞觀復置掌副左右丞所管諸司事二十  
四曹呼左右司為都公國史補 龍朔改為左右承

務咸亨中復為左右司郎中 武后又增員外郎各

一人與郎中分掌曹務 永昌三年置神龍初省後

復置 朝服與諸司員外郎同 唐職官志六典注

宋朝以為階官元豐正名始實有職掌左右司郎中

各一人左右司員外郎各一人 題名 凡四員掌舉

諸司之綱紀號為都司亦曰左右曹焉 職畧 建炎

三年以置檢正減左右司二員明年復 會要 隆興

元年從右諫議大夫王大寶等議詔左右司郎官各

差一員減罷二員二年詔以左司書擬吏戶禮機速

房右司書兵刑上賞功房文字

孝宗會要

後以右司

掌刑房事任為劇乃置二員

中興題名

### 參知政事

後魏古弼太武時為尚書令參知政事

隋蘇威高穎宇文述等參預朝政

唐劉洎張文瓘皆參知政事魏徵杜淹參預朝政蕭瑀

參議朝政崔仁師等參知機務此其始也

摘奇

劉洎

貞觀十三年尚書右丞以黃門侍郎參知政事李義  
府永徽六年中書舍人守中書侍郎參知政事盧承  
慶顯慶四年度支尚書參知政事張文瓘乾封二年  
東臺舍人參知政事

宋乾德二年太祖已相趙普畏其專相擇官以為副而  
難其名稱召陶穀問曰下丞相一等有何官對曰唐  
有參知機務參知政事今可用之遂命薛居正呂餘  
慶為參知政事惟不宣制不押班不知印不升政事

堂止令就宣徽院使廳上事殿廷別設塼位於宰相及勅尾書銜降相數字月俸雜給皆半之此乾德之制也至開寶六年詔押班知印及祠祭行香今宰相趙普與參知薛居正等輪知雍熙四年御史言文德殿常朝百官皆有塼位惟參知政事每遇橫行參假未有塼位詔令依位排砌至道元年詔參政宜與宰相分日知印押正衙班其塼位先異宜合而為一遇宰相使相視事及商議軍政事並得升都堂先是



呂端冠準並為諫議大夫參知政事至是端相而準  
尚參知政事端慮準不平且言臣兄餘慶任參知政  
事日悉與宰相同願舉行之特從其請次年準既罷  
詔只令宰相押班知印參知政事遇正衙橫行參假  
並重行異位非議軍國政事不得升都堂祠祭行香  
書勅並依開寶詔書 元豐官制罷知政事以門下  
中書侍郎尚書左右丞為執政

職畧

建炎二年呂

頤浩請將元祐司馬光併省奏召侍從參議孫觀等

請以門下中書侍郎並為參知政事而減罷尚書左

右丞焉

中興會要

### 樞密院

樞密院唐代宗永泰中置內樞密使

馮鑑續事始

以官

者為之初不置司局但有屋三楹貯文書而已其職

掌惟承受表奏於內中進呈若人主有所處分則宣

付中書門下施行而已

呂源明家塾廣記

代宗永

泰中宦官董廷秀參掌樞密事

憲宗元和中劉光

琦梁守謙為樞密使 穆宗初年以宦官知樞密事

舊左右軍容多入為樞密不著三間轄書櫃而已亦  
無視事之廳後禧昭時楊復恭西門季玄欲奪宰相  
權乃於堂狀後帖黃指揮公事此其始也 續通典

後梁革唐世宦官之弊改樞密院為崇政院命敬翔  
為使始更用士人其備顧問參謀議於中則有之未  
始專行事於外也 五代史

唐莊宗同光元年復以崇政院為樞密院命宰臣郭

崇韜兼使又置院使一人然權侔宰相矣

五代會要

晉高帝天福中以桑維翰知樞密院事四年廢樞密院以劉處謙兼樞密每有奏議多不稱旨及處謙丁內憂乃以樞密使印付中書門下遂廢其院晉少帝開運元年復置以宰臣桑維翰兼使周顯德六年

范質王溥並參知樞密院事

五代會要

宋樞密院

與中書對持文武二柄號為二府太祖建隆元年以魏仁浦吳延祚為樞密使趙普為副使周末闕副使

至是始置 太宗太平興國四年以石熙載為樞密  
直學士以簽書院事簽書之名始此 淳化二年以  
張遜知院事溫仲舒寇準同知院事同知院之名始  
此 英宗治平中以郭達同簽書院事同簽書之名  
始此 舊制樞密院有使則置副使有知院則置同  
知會要 如置知院則當為副使者皆改同知若置  
使則同知復改為副使 神宗熙寧元年文彥博呂  
公弼為使韓絳邵亢為副使時陳升之三至樞密府

神宗欲稍異其禮乃以為知院於是知院與副使並置矣元豐改官制議者欲廢密院歸兵部神宗曰祖宗不以兵柄歸有司故專命官統之互相維制不從然以樞密聯職輔弼非出使之名乃定置知院同知院二人餘悉置職事亦多所釐正細務分隸六曹專以邊機兵政為職而契丹國信民兵牧馬猶總領焉中興初有知院張浚同知院富直柔簽樞張守同簽樞韓肖胄不置樞密使副使高宗紹興七

年詔依故事置樞密使及副使其知院同知院簽書

並如舊

中興會要

副使自岳飛罷後無有除者

樞密使

五代置樞密使國初因之

詳見樞密院

太

祖建隆三年趙普為檢校太尉充樞密使不帶正官

充使自普始也開寶九年曹彬為樞密使領忠武軍

節度使樞密帶節度自彬始也

太宗太平興國六

年石熙載為戶部尚書充樞密使以文資政官充使

自熙載始也

真宗祥符五年王欽若陳堯佐並守

本官檢校太傅同中書門下平章事充樞密使儒臣  
以樞密使兼使相自欽若等始也

此事見宋朝職畧

仁宗皇祐五年樞密使高若訥罷令舍人院草詞

樞密使免罷不降麻自若訥始也 神宗元豐官制

行罷使副

高宗紹興七年復置

會要

副使自岳

飛後無有除者

宰相兼樞密 國初魏仁浦以宰相兼樞密使後罷

仁宗慶曆二年西方用兵富弼屢言邊事係國安危



不當專委樞密宜使宰相兼領於是以宰相呂夷簡判樞密院事章得象兼樞密使王舉正言二府均體總制之名太重亦改夷簡兼樞密使五年從賈昌朝陳執中之言罷兼樞密使以邊事寧故也 高宗紹

興七年令宰臣張浚兼樞密使趙鼎秦檜亦以左僕射兼二十五年檜薨明年詔曰比緣軍興令宰相兼樞密使典掌機務今邊事已定可依祖宗故事更不兼領

中興會要

二十三年孝宗即位參政史浩論

樞密合使宰相兼使事因引富弼對仁宗故事上曰

正合朕見詔宰臣依舊兼樞密使

孝宗會要

淳熙

間省

知樞密院事

晉天福元年掌書記桑維翰以翰林學士尚書禮部

侍郎知樞密院事知院之名始此

分紀

國初不置

淳化二年樞密使王顯出鎮始以張遜知樞密院事

元豐官制行廢使副存知院 中興初宰相兼樞

密只兼知院

此事見建炎四年詔

同知樞密院事

五代有參知樞密院事

見樞密沿革

國初闕淳化

二年王顯出鎮始以溫仲舒寇準同知樞密院事同

知之名始此

會要

神宗元豐官制行廢使副存同

知

簽書樞密院事

國初缺至太平興國四年石熙載

元

懿公

以樞密直學士僉書之名始此

會要

後又有同

僉書大抵以處資淺之人若僉書一經親祠方進同知及副使若武臣擢預國政只除同僉書 治平中

郭逵除同僉書 元豐官制行並罷 哲宗元祐初

復置僉書事

四朝志

後多帶端明殿學士初除必降

旨恩例並依執政蓋本條不同執政者自同本條故也

見淳熙重定

樞屬 樞密都副承旨

五代有承旨副承旨以諸衛將軍充 宋太宗太平

興國中以楊守一充都承旨都承旨自守一始也

是時都承旨副承旨多用士人比僚屬事參謀議

真宗後天下無事稍稍遂用吏人歐陽修建言請復

舊制不克神宗熙寧三年始以東上閣門使李評

為樞密都承旨李綬為之副不用院吏而更用士人

自評始也

續會要

熙寧五年以尚書比部員外郎

集賢校理同修起居注曾孝寬為起居舍人充史館

修撰兼都承旨先是或用士人亦止於右職中選用

文館兼領自孝寬始也 元豐三年用張誠一為客

省使都承旨自是都承旨復用武臣

續會要

哲宗

元祐中復以文臣帶待制充都承旨

職官制

元符

中王師約為都承旨左司諫陳瓘論神考以文臣為都承旨其副則參用武臣之可用者今師約據文臣之位甚非神考設官之意至崇寧以後則專用武臣

矣

四朝志

高宗建炎四年以辛道宗為副承旨

紹興元年詔依元祐職制置都承旨一員差兩制

中

興會要

檢詳 神宗熙寧四年以編修經武要畧官王存四人  
檢詳樞密院諸房文字視中書檢正官會要十年詔  
以二年為任 元豐元年詔定置二員及改官制檢  
詳尋罷 建炎中樞密院請依祖宗置檢詳二員在  
左右司下

高宗紹興二年詔樞密院已置都承旨一員減檢詳  
一員二年樞密院請置二員從之 中興會要 三十

二年詔樞密院諸房令檢詳書擬從左右司請也

宗會要

編修

仁宗慶曆四年史館王洙承旨單士寧編修例冊編修之名自此始分紀

神宗熙寧三年以館職王存顧臨等同編經武要畧  
兼刪定諸房例冊

哲宗元祐四年詔樞密院條例久未編修又自官制



後舊事隸他司所存者亦未刪正命承旨司取索編修以奉議郎蔡駟宣德郎衛規充編修官續會要舊以四員為額

高宗紹興兵興裁省其半三年樞密請置檢詳二員編修正存一員後復中興會要

羣書考索後集卷五

欽定四庫全書

子部  
羣書考索後集卷六  
七六

詳校官中書臣竇汝翼

主事臣祁韻士覆勘

總校官知縣臣楊懋珩

校對官中書臣徐夔雲

謄錄監生臣陳元熙

欽定四庫全書

羣書考索後集卷六

宋 章如愚 編

官制門

宗正

周官小宗伯掌三族之別以辨親疎成王時彤伯入為

宗正

又初學記云宗正卿周官也周封建宗盟封兄

弟之國十有五同姓之國三十有五始選其宗中之

金史卷六  
長而董正之謂之宗正

卷六

秦置宗正掌屬籍

漢因之更以序九族平帝元始中更名宗伯五年又於郡國置宗師以糾皇室親族世氏致教訓焉選有德義者為之

後漢有宗正卿掌序錄王國嫡庶之次皇室親屬遠近兩漢皆以皇族為之  
楚元王子郢客及劉辟彊劉德等連為之不以他族魏亦然

晉初兼以庶姓

山公啟事曰羊祜忠篤寬厚然不長理劇

曹宗正卿闕不審可轉作否

宋齊不置

梁復置名春卿位視列曹尚書

後周有宗師中大夫掌皇族定世系辨昭穆訓以孝弟

唐武德置宗師

晉咸寧中亦有宗師以扶風王亮為之

龍朔改曰司宗光宅改為司屬後復舊卿一人少卿

二人掌皇族外戚簿籍開元中判宗正官屬皆以皇

族為之然自武德以來有以賜姓附屬籍宗正者羅  
藝徐世勣杜伏威胡大恩或以功或以來降其後則  
或借屬籍以寵藩鎮李正己之請附屬籍李晟之編  
入屬籍張寶臣之賜姓列於屬籍甚者沙陀首領亦  
以功而賜姓繫籍鄭王房

宋宗正寺判寺二人以宗姓兩制以上充闕則以朝官  
知丞事掌奉宗廟諸陵薦享之事司皇族之籍至  
道中詔張伯梁周翰同編籍咸平初詔於宗正寺

建屬籍樓又詔修玉牒四年趙安易上新修皇屬籍  
三十三卷詔送宗正寺仍接續編纂祥符判宗正  
寺趙世長乞於皇屬籍之上別崇懿號詔以皇宋玉  
牒為名八年詔建玉牒殿屬籍堂於新寺命趙安  
仁重修玉牒屬安仁又上仙源積慶圖詔歲寫一本  
藏龍圖閣九年趙安仁上言唐故事玉牒首載混  
元皇帝乞以御製聖祖降臨記冠於列聖玉牒及  
別修皇朝新譜如唐天潢源派譜從之至和元年

詔宗正寺故事屬籍十年一修今雖及八年而宗支蕃衍其增修之 熙寧元年上兩朝玉牒

仁宗 哲宗

熙寧三年宗正寺言舊制每年裝成仙源積慶圖

宗藩慶緒錄供送龍圖天章寶文閣如漢宗正歲上名籍也 元豐更制所掌與舊畧同掌序宗派紀屬

籍以昭穆定親疎凡修錄牒譜圖籍其別有五 曰玉

牒以編年之體叙帝系而紀其歷數凡政令賞罰封

域及豐凶祥瑞之事曰屬宗序同姓之親而辨其服



紀之戚疎遠近曰宗藩慶系錄輯譜系之所自出序  
其子孫而別其名位品秩曰仙源積慶圖考定世次  
枝分派別而系以本宗曰仙源類譜序男女宗婦族  
姓婚姻及官爵遷叙而著其功罪生死凡錄以一歲  
牒譜籍以十歲修纂以進分案二屬宗知雜設更掌

元豐六年詔宗正寺長不專用同姓蓋自有太宗  
正司以統皇族矣 元祐八年詔丞專修纂圖書九  
月王鞏言玉牒十年而進自熙寧中范鎮進書之後

神宗玉牒至今未修仙源類譜自慶厯中張方平修進之後僅五十年並無成書乞令修玉牒類譜官每二年一具草繳進從之 紹聖三年應宗室賜名三

祖下各隨祖宗之父子而下雖兄弟數多並為一字相連三年詔宗正寺貳提舉諸宮學以通典唐職林

唐會要國朝會要續會要四朝志

太宗正司景祐三年置知太宗正即濮王也同知即守節也時宗室衆多故舉一人令厚睦之違失則糾正

至和中改為判太宗正寺同知為同判熙寧置丞二

人自唐有百孫院 祥符九年以新昌坊皇親禮會

院額曰嘉慶 景祐二年詔修睦親宅 時以宗戚邸

第散處俾遷與壇列次有倫

慶厯七年賜北宅名

廣親 時以秦王子蕃盛而所居隘狹

治平元年

詔建睦親廣親北宅於芳林園

給事中 中書舍人

秦加官漢因之所加或大夫博士議郎掌左右顧問應對

位次中常侍侍中黃門諸給事中日上朝謁平尚書奏  
事又為左右曹以有事殿中故曰給事中多名儒為之  
東漢省魏復置唐改給事郎為給事中後定為四員龍  
朔改門下省曰東臺垂拱改曰鸞臺開元曰黃門省  
給事中  
掌侍左右分判省事察洪文館繕寫校讎之  
課凡百司奏抄侍中既審而駁正違失

宋太宗從魏羽請置封駁司又隸通進銀臺司以侍從  
官知實給事中之職也然舊例止出內文書而已嘉

祐中何郛以待制領此職詔令有不便者輒封去之  
仁宗加其職振皆從之自此始為故事

元豐五年

初除舒亶試給事中自是給事中始正除為職事官  
凡四人治六房掌讀中外出納及判後省之事政令  
失當除授非人則奏駁之

故事中書進熟起草惟執

政書押官制行給事中獨書畫黃而不書草著為令

建炎中因舊制置門下後省以給事中為長官四

員為額

中書舍人漢尚書郎直宿建禮門奏事明光殿下筆為詔誥令乃今中書舍人也

唐武德置舍人六人後改中書舍人

掌傳進奏議表章

詔旨詔命皆起草有司奏議文武考課皆預以一人

知制誥其餘分署制敕六省分押尚書六曹

龍朔改

西臺舍人光宅改鳳閣舍人開元改紫微舍人

宋初中書舍人為所遷官實不任職復置知制誥及直

舍人院主行辭命封還詞頭

元豐正名遂以中書

舍人而判後省之事分案五中興置中書後省以中書舍人為長官六員常除二員

魏置中書通事舍人東晉省宋復置入直閣內出宣誥命

齊永平初四員各居一省時謂之四戶權傾天下與給事中為一流

梁除通事字直曰中書舍人自是詔誥之任舍人專之魏晉以來詔誥皆中書令及中書侍郎掌之

後周曰小史上士二人

隋曰內史舍人八員煬帝減四員改為內書舍人

唐武德改中書舍人置六員自永淳以來天下文章道  
盛臺閣髦彥無不以文章達故中書舍人為文士之  
極任朝廷之盛選諸官無比

祠祿宋朝祠祿之官以佚老優賢祖宗時員數絕少自  
熙寧以後乃增置焉是時方經理時政恐疲老失職  
欲悉去之乃使任官觀以食其祿時王安石亦欲以



此處異議者遂詔宮觀毋限員並差知州人以三十  
月為任 在京宮觀舊制以宰相執政充使或丞郎  
學士以上充副使兩省或五品以上為判官內侍官  
或諸司使副為都監又有提舉提典主管官其戚里  
近屬及前宰執留京師者多除宮觀以示優禮之意  
紹興二十一年在京宮觀作在外宮祠以三十個  
月為任

宮觀使宮觀置使自祥符中始

真宗建玉清昭應宮王

且為首始命充使官觀置使自此始然每為宰相兼

職天聖元年時崇奉之意又緩因請罷之

明道中

錢維演以使相為景靈宮使

治平中改為節度

李端

愿為醴泉觀使使相節度領內祠自此始後有集禧

觀使

治平四年富弼以觀文殿大學士充

有太乙宮使

元祐八年馮京以彰德軍節度改充

有同醴泉觀使元

祐八年尚書左丞梁燾以疾求罷詔與在京宮觀使

時議以為非宰相不除遂置同醴泉使有祐神觀使

大觀元年尚書右僕射趙挺之充

徽宗建玉清神霄

萬壽宮以宰執兼使副用真廟故事也近以宰執奉  
朝請者領在京宮觀使而在外舊相只除提舉宮觀  
非祖宗優待宰相之體

提舉宮觀宮觀置提舉自康定始

康定元年李若谷罷

參知政事留京師

以資政殿大學士為提舉會靈觀

事宮觀置提舉自此始自是學士待制知制誥皆得  
為提舉

醴泉觀元豐元年皇城司劉永壽為提點六年時君卿以皇城司為提舉大觀三年姚雄以右金吾衛上將軍充使

萬壽觀元豐元年左藏庫使昌州刺史曹誌為提點八年龍圖閣待制趙彥若為提舉

佑神觀大觀六年尚書右僕射兼中書侍郎趙挺之除觀文殿大學士充使

在外宮觀宋朝宮觀皆俟力請而後授侍從而上任宮

觀者絕少若因責降改作主管方直差焉 熙寧初

王安石相異已者方直除宮觀大抵非自陳而朝廷

特差者如降黜例 二年詔杭州洞霄宮亳州明道宮

華州雲臺觀建州武夷觀台州崇道觀成都府玉局

觀建昌軍仙都觀江州太平觀洪州玉隆觀五岳廟

並依嵩山崇福觀舒州靈仙觀置管勾或提舉提點

官 四年詔宮觀岳廟留官一員餘聽如分司致仕例

從便居住六年詔六十以上者乃聽差毋過兩任兼

用執政恩例者通不過三任後蔡京用事增廣職任  
崇寧三年添宮觀十政和三年添三十選人亦許乞  
岳廟祠宣和中王黼以熙寧法革之一切不恤於是  
士大夫失祿

御史臺

御史之名周官有之掌贊書而受法令 戰國亦有  
御史秦趙渾池之會各命書其事則皆記事之職  
至秦漢為糾察之任所居之署 漢謂之御史府亦

命之御史大夫寺亦謂之憲臺 後漢謂之御史臺  
亦謂之蘭臺寺以尚書為中臺御史為憲臺謂者為  
外臺謂之三臺 梁及後魏北齊或謂之南臺 後  
周曰司憲 隋及唐皆曰御史臺龍朔改憲臺咸亨  
復舊制但聞風彈事提綱而已其鞫案繫禁則委大  
理 貞觀中中丞李乾祐以囚自大理來往滋其奸  
乃奏於臺中置東西兩獄以自繫劾開元復罷 武  
后時改御史臺為肅政臺置左右左以察朝廷右以

澄郡邑龍朔後改肅政之名但為左右御史臺 睿  
宗詔二臺並察京師太極元年以尚書省悉隸左臺  
遂廢右臺至德後諸道使府參佐皆以御史為之謂  
之外臺 宋沿唐之制設御史臺大夫無正員止為  
兼官中丞除正員外或帶他官次有知雜御史一員  
副中丞判臺事其屬有三院一曰臺院侍御史隸焉  
二曰殿院殿中侍御史隸焉三曰察院監察御史隸  
焉舊制三院多出外任風憲之職用他官領之 太



平興國三年以張翼為監察御史正名舉職自此始  
唐制御史不專言職 天禧始置言事御史唐太宗  
時有御史裏行之名景祐中始置以處御史之官卑  
者唐儀臺案有六監司 元豐三年李定請復六察  
於是以御史專領六察其後以中丞為長知雜御史  
為侍御史言事官為殿中侍御史六察官為監察御  
史

御史中丞

周官小宰之職掌建邦之官刑凡官之糾禁

注云即今

御史中丞也

漢承秦制御史大夫有兩丞一日御

史丞一日中丞亦謂中丞為御史中執法中丞在殿  
中蘭臺掌圖籍外督部刺史內領侍御史十五人受  
公卿舉劾按章居殿中察舉非法 武帝以中丞督  
司隸司隸督丞相丞相督司直司直督刺史刺史督  
二千石下至墨綬及御史大夫轉為司空而中丞出  
外為臺率

前宣為中丞執法殿中外總部刺史陳咸

為中丞總領州郡谷永上疏竊見薛宣前為中丞執憲轅下不吐剛茹柔

哀帝更中丞為御史長史

光武復改中丞與尚書令司隸校尉朝會皆有專席而坐京師號為三獨坐言其尊也

魏初改宮正後復為中丞晉宋以下不置大夫以中丞為臺主百與司隸分察百僚宋與尚書令分道

齊

中丞職無不察專道而行自齊梁謂之南司後

魏為御史中尉後周有司憲中大夫

隋以國諱省中丞置大夫為臺主以持書侍御史二人

代中丞之任

梁江淹為中丞明帝曰今君為南司足

以振肅百僚晉侯史光為中丞光在職寬仁而不縱

庾峻為中丞威而不克晉李熹遷中丞鄧隗為中丞

後魏李彪為中丞皆彈奏不避強禦江左拜中丞不

得復入尚書省中丞尚簿至百官趨避

唐高宗復號中丞龍朔改司憲大夫咸亨復唐制大夫

掌以刑法典章糾正百官罪惡中丞為之貳大事裁

奏小事專達

會昌初中書門下奏大夫秩崇官不常

置中丞常為憲臺之長武元衡遷中丞延英對罷元宗曰真宰相也持中無私

宋沿革見總論自中丞以下掌糾繩內外百官肅清朝

廷紀綱大事廷辦小事奏彈

仁宗嘗言御史官須厚

重知治體者方可用趙槩為中丞上重之張昇為中

丞上曰昇清直可任風憲

侍御史

周御史掌邦國都鄙及萬民之治令以贊冢宰凡治者受法令焉以其在殿柱之間亦謂之柱下史

秦改為侍御史

張蒼秦時為御史主柱下文書即其任

也

漢因秦制置侍御史十五員有繡衣直指出討奸猾治大獄武帝所制不常置

後漢有掌察舉非法受公卿郡吏奏事有違失舉劾之以公府掾屬高第補或牧守議郎郎中為之惟德所

在二漢所掌凡五曹豹尾之內便為禁省

後漢侍御

史威烈赫奕莫之敢犯張綱安帝時奏舉梁冀兄弟

楊秉為侍御史京師稱其有宰相材

魏八人當大

會殿中御史簪白筆側陞而坐 晉侍御史九人頗

用郡守為之 宋齊十人 梁陳皆九人居曹糾察

不法 隋八人

唐四人又置內供奉掌糾劾百僚侍御史號臺端其知  
雜事者謂之雜端最為雄劇食坐之南設橫具謂之

南牀殿中監察不得坐凡侍御史之例不出累月遷  
登南省故號南牀建中元年以侍御史掌公廨推彈  
自是雜端之議輕矣

宋沿革

見總論唐李素立為侍御史開元初楊慎為侍

御史與御史大夫李綰論將勅崔日知反為所搆揚  
廷奏曰若尊恐脅以成姦臣之謀御史臺可廢矣徐  
有功為侍御史遠近聞之皆欣然相賀

殿中侍御史



魏蘭臺遣御史二人居殿中伺察非法故曰殿中侍御史  
史 晉置四人 東晉省二人 梁有四人掌殿中  
禁衛內事 後魏北齊皆有 隋改為殿內侍御史  
置十二人 煬帝省

唐武德置殿中侍御史四員貞觀增二員掌殿廷供奉  
之職京畿諸州兵皆隸焉彈舉違失號為剏端正班  
列於閣門之外至文明元年又置殿中裏行唐去殿  
中侍御史遷拜及職事與侍御史在殿中裏殿察兩院

在柱外

宋沿革

見前

殿中侍御史二人掌言事分糾大朝會及

朔望六參官班序

元豐八年詔殿中侍御史兼察

事監察御史兼言事

監察御史

隋置初東晉置檢校御史知行馬外事

宋齊梁陳並

置後魏北齊復置十二人

隋改檢校御史為監

察御史凡十二人煬帝增置十六人

唐武德初置八人貞觀二十二年加二人其外又置監察御史裏行以馬周為之自此便置裏行之名掌分察百僚巡按郡縣視刑獄肅朝綱

唐監察御史職知

朝堂正門無籍非因奏事不得入至殿廷開元七年

勅隨仗入朝因姚崇用齊幹為監察御史彈劾差遣

率先風教當時以為稱職大歷十四年監察御史分

察尚書省六司號曰大察臣顏真卿為監察御史決

五原獄而天雨

宋御史多出外任風憲之職以他官領之 興國三年

詔本司自薦屬官俾正名舉職用太常博士張巽為  
之 嘉祐四年中丞韓絳舉御史而恨資任屢舉不

應格於是絳請置裏行從之初以王陶為御史裏行

熙寧三年除秀州推官李定權監察御史裏行選

人為御史自定始 元豐三年詔御史專領六察又

詔御史六員以三員分領察案三員專言事 五年

詔秘書殿中內侍省不隸六察如有違慢委言事御

史彈奏 七年大正官名以言事官為殿中侍御史  
六察官為監察御史掌六部之事及在京百司

徽宗時如辟雍大晟府算學士之類皆不隸臺察 崇  
寧大臣欲其便已而南臺御史亦有不言事者自大  
觀臣僚申請而辟雍之類復隸御史自胡舜陟申請  
而本臺始增入御史言事之文

御史臺主簿

西漢張忠為御史大夫署孫寶為主簿 隋大業始置

御史臺主簿二員 唐省一員掌付事勾稽省署抄目 貞觀中自張弘濟為此官之後遂為美職

宋有一人掌受事發辰勾檢稽失兼簿書錢穀之事

元豐中李定請增置主簿一員檢點六案文字 元

祐元年大理寺架閣庫專委主簿主管 紹興三年

詔御史臺全缺長貳檢法主簿特令殿中侍御曾統

奏辟

御史臺檢法

宋御史臺主簿二員 熙寧十年改主簿作檢法各一

員繫長貳同舉京官充 元豐四年罷六月因黃履

奏復置各一員 元祐三年改檢法官為主簿 紹

聖二年因董厚逸奏請復置 紹興二年呂頤浩撥

下部差官未幾復詔本臺辟時缺長貳令曾統奏辟

諫議大夫

周保氏掌諫王惡司諫掌糾萬民之惡至秦置諫大夫

掌論議無常員多至數十人屬郎中令

漢武元狩中置宣帝選諫大夫出為郡守

蕭望之選諫

大夫至宣帝時出補郡守上疏曰出諫官以補郡守

朝無爭臣則不知過

光武以諫大夫為諫議大夫

無常員兩漢並屬光祿勳

後周地官有保氏下大

夫規諫於天子蓋比其任

隋亦曰諫議大夫置七

人屬門下省

煬帝廢

唐武德復置屬門下太宗時諫官入閣

王珪嘗為諫議

大夫太宗詔諫官隨中書門下及三品官入閣魏徵



拜諫議大夫或至卧内計天下事褚遂良為諫議大夫太宗以為體亮有學

龍朔改為正諫大夫後又置

諫議大夫屬中書開元以來廢正諫大夫屬門下凡

四人掌侍從規諫

高適明皇在蜀為諫議大夫員氣

敢言肅宗時置兩省官十日一上對白居易與元稹

書僕為諫官月請諫紙

貞元四年德宗分為左右各

置四員左隸門下右隸中書

陽城德宗召拜右諫議

大夫八年論裴延齡誣陸贄上疏慷慨泣下罷裴延

齡穆宗召貴丈言為諫議大夫羣指稱允柳公權論  
事不阿帝以為有諫諍風可居諫大夫

宋承五代之弊官失其守故官職差遣離而為三官裁  
以定俸入耳而不親職諫議大夫司諫正言皆須別  
降勅許赴諫院供職者方為諫官亦有領他職而不  
預諫諍者其由他官領者帶知諫院以兩省官充掌  
供奉諫諍凡朝廷闕失大則廷議小則上封時雖除  
諫官而未置諫院 明道元年陳執中為諫官屢請

置院於是以門下省為諫院徙舊省於左掖之西置

諫院始此

田錫遷諫議大夫真宗見之色必莊嚴景

祐三年詔曰左右諫議大夫司諫正言咸預軒輊之

列是為耳目之官景祐四年姚仲孫言諫議大夫居

諫官之上慶厯三年田況每諫官日奉朝請則可以

日聞朝廷之事況每日赴內朝

元豐正名左右散

騎常侍各一人既闕不除而左右諫議大夫遂為諫

垣之長專言責焉左諫門下右諫中書同掌規諫諷

諭凡朝政闕失任用他司有失皆得諫正 王安石入

司政事孫華老李公擇居諫職二人請舉行太宗令  
諫官入閣事安石不可曰是又益兩參知政事 元

豐七年諫議大夫趙彥若言事詔降彥若一官云朝

廷自修復官政小大羣司皆有職守彥若輒侵法守

論事不可不懲 元祐元年王巖叟言近降旨兩省諫

官出入各異勿與給事中中書舍人通事欲隔限諫

官不使在政事之堂恐知本末數論列耳詔諫官直

舍仍舊

建炎中興始詔諫議大夫不隸兩省別置  
於後省之側許與兩省官相見議事 紹興元年詔  
中書門下後省諫院官吏並依舊赴三省內元置局  
處供職

司諫正言

唐武后垂拱中置左右補缺左右拾遺掌供奉諷諫開  
元以來尤為清選左屬門下右屬中書

宋端拱元年改左右補缺為左右司諫左右拾遺為左

右正言是時太宗欲令諫官修職故詔改其官後亦有兼他官不供諫職者元豐官制左右司諫各一人正七品左右正言各一人從七品同掌規諫諷諭分隸兩省中興之初詔不隸兩省紹興三年復淳熙十五年用林栗請於正言司諫外增置補缺拾遺各一人專職諫諍不許彈擊光宗即位省之

司諫宋朝咸平中种放對便殿尋授左司諫真宗曰賞一逸人可勸天下明道中執政除親舊二人為正言

司諫上謂曰祖宗法制臺諫官必出自宸  
若大臣  
自除則大臣過失無敢言

補闕韋溫為補闕時宋申錫被誣溫昌言曰吾輩諫官  
豈避一時之雷電而致聖君賢相蒙蔽惡之咎耶鄭  
餘慶子幹為右補闕獻疏切直至憲宗遂遷舍人韋  
處厚擢左補闕帝曰韋處厚上疏其言切直顧人未  
知爾中外推其精密文宗言宰臣曰太宗得魏徵採  
拾缺失今得魏謩命授左補闕

正言荆公上田正言書今聯諫官朝夕天子耳目行事  
即一切是非無不可言至道元年和嶠遷右正言獻  
歌詩稱旨

拾遺唐白居易上疏蒙恩授臣左拾遺謹按六典其選  
甚重其秩甚卑蕭嵩為左拾遺表薦張鎬為拾遺不  
數年出入將相陳子昂為右拾遺上疏陳事詞皆典  
美右拾遺張方回每朝政有失抗論昂然進不懼死  
史館 史官自黃帝有之 夏商大史 夏終古商高勢



周大史小史內史外史而侯國亦置史 秦有太

史令 漢武帝始置以司馬談為之遷嗣宣帝以

其官為令行太史公文書修撰職以他官領於是太史官惟

知占候而已 王莽置柱下五史 後漢至隋唯魏

明太和中史職隸中書其餘多隸秘書唐武德四年

始置修文館隸門下省 九年改為弘文館神龍元年

改為昭文館中間更易不一至開元中則復為弘文

館也貞觀中建史館於禁中專掌國史至開元七年

於乾元殿東廊寫四部書置刊定官以麗正殿為修書所十二年召學士張說等宴於是為集賢即麗正殿也以修書所為集賢殿書院三館之名肇於此矣自此集賢昭文置大學士史館置監修國史皆以宰相兼領之又置學士直學士修撰直館校理之職亦以他官領之其昭文館隸門下省史館寓於集賢尚未合為一

梁遷都初舊制未備至正明中始以今古長慶門東北

小屋十數間為三館

即所廢四館是也

湫隘卑喧轍道

出於其旁每受詔所撰述即移於他所以成之訖

太祖朝以經營四方未暇改作

太宗因事故館歷覽

舊址顧左右曰豈所以待天下之賢俊耶即日詔有

司度左昇龍門北車府地為三館棟宇之制皆上所

親授輪奐壯麗冠於內庭又於四序啟便門以備行

幸於是盡遷三館之書分於兩廊貯焉東廊為昭文

書庫南廊為集賢書庫西廊凡四庫分經史子集四

部為史館書庫初乾德中平蜀得書萬三千卷開寶  
中平吳又得書二萬卷參以舊書分為八萬卷凡六  
庫書皆以類相從簡策府翕然一變矣 永熙太宗寶  
錄

宋監修國史一人以宰相為之修撰直館檢討無常員  
修撰以朝官充直講檢討以京官以上充 掌修日歷

及典司圖籍之事凡國史別置院於宣徽北院之東  
藏之謂之編修院 東京記云俗呼為史院 天聖修

真宗史欲重其任降勅宰相為提舉參政樞副為修  
史其同修史則以殿閣學士以上為之編修官以三  
館祕閣校理以上及京官充史畢即停元豐改官  
制日歷隸國史案每修前朝國史實錄則別置實錄  
院以首相提舉翰林以上為修國史侍從官為同修  
史庶官為編修官實錄院提舉官如國史從官為修  
撰官餘官為檢討中興時即秘書省建史館以修神  
宗哲宗實錄選本省官兼檢討校勘以侍從官充修

撰 紹興初又移史館於省之側別為一所以增重  
其事至九年始修徽宗實錄乃命史館開實錄院宰  
相監修但提大綱檢討官搜閱校對惟修撰實專史  
職只據所送到時政記唐長壽中姚璹請伏下所言  
宰相實錄號時政記自璹始五代中書樞密院皆置  
太平興國中蘇易簡為參政自是中書皆參政編錄  
端拱以後樞密院事皆送中書同修為一書及王欽  
若等始乞別撰不關中書直送史館

# 起居注

漢武帝有禁中起居注自魏至晉起居之職掌於著作其後亦命近臣主掌其事後至魏始置起居令史每行幸宴會則在御座左右記錄帝言及賓客語後又別置起居注二人北齊有起居注二人隋朝置起居舍人二人以掌內史唐朝起居注之官隸於門下顯慶中即與舍人屬兩省每皇帝御殿即左右史夾香案分立於殿下螭頭之側和筆濡毫皆就螭頭之一處有命則臨陛俯聽對而書之凡典禮文

物冊命啟奏臣僚薨免愆惡勸善之事悉載於起居  
注李冬則授於史官以俟筆削元和中詔有事可備  
勸戒合紀述者委其自承旨宰相宣示左右起居令  
其不錄仍作舊例季冬送於史館文宗太和中起居  
郎起居舍人準故事入閣日齋紙筆立於螭頭以記  
言動開延英召大臣論事亦然宋朝淳化中張泌請  
別置起居院及左右史之職記言動為起居注詔從  
其請尋以周翰掌起居郎李謙掌起居舍人事銓次



其事排以日月謂之日歷詳見日歷所門

**提舉**

乾興元年命司徒監修國史馬拯專修提舉監修

天聖中宰臣王曾提舉監修真宗實錄兩朝史時王  
旦未領監修故特授詔已監修而無再授勅為提舉  
蓋一時之制也監修國史國朝舊以宰相為之修日  
歷也故常帶入銜若先朝正史則別置編修院宰相  
為提舉紹興中詔國史院宰臣提舉乾道初詔參  
政虞允文兼提舉修三朝國史中興以來參政兼提

金史卷一百一十五  
舉自此始

卷六

監修

北齊詔魏收撰史又詔高隆之總監之書名而已

唐太宗以宰相監修國史及以他官兼領房玄齡為

監修而給事中許敬宗兼唐制宰相四人內一人帶

監修 宋從唐制史館有監修皆宰相領故事宰相

兼領皆內降旨處分乾德初以趙普兼監修止用勅

非舊典也 開寶中薛居正以參政監修自後參政

亦有管勾修國史者不常置 至道中修太宗實錄

宰臣呂端雖帶監修國史而不預焉其後重修太祖  
實錄遂詔呂端等同修端罷相李沆繼成焉 景德  
中監修國史畢士安卒參政王旦權領史館實為監  
修國史之職 慶厯中呂夷簡罷相帶監修國史優  
老臣也

修撰

唐令狐德棻請修近代史遂命修撰名始於此

唐史館修撰四人掌修國史 宋從唐制史館有修  
撰以他官領取最上一員判館事故事史館每月撰

日曆皆判館與修撰官直館分季撰其後止修撰官  
及判館撰次祥符中以高緯為史館修撰緯即王欽  
若所引不令修纂止令權判吏部銓自是五品以上  
方掌修撰 天聖中石中立充史館修撰有司引緯  
例亦不修日曆 乾興初李準等言修撰官舊四人  
今只二人望擇館閣官二員充編修官遂詔王舉正  
李淑同編修 元豐國史隸秘書 元祐中就門下  
置局 紹聖復還秘書閣舊有修撰官至是改為修

國史以尚書翰林充同修以侍郎以下充 紹興中以修神宗哲宗穆宗正史置修史一人同修一人編修二人

檢討

淳化中以郭延澤董元亨為史館檢討 至和中

詔今後檢討不得舉試館職 嘉祐中韓琦奏史記日厯未修者積十餘年今將修先朝實錄而日厯未備檢討缺官詔以呂夏卿韓維兼史館檢討

羣書考索後集卷六

欽定四庫全書

羣書考索後集卷七

宋 章如愚 編

官制門

翰苑類

翰林學士承旨 唐始置翰林學士無承旨至 憲宗  
永貞元年始命鄭絪為承旨位在諸學士上居東第  
一閤大誥令大廢置丞相之密畫內外之密奏上之

所甚注意者莫不專受專對承旨院記 宋承旨不  
常置以院中久次者一人充 續會要

翰林學士 唐學士之職本以文學言語備顧問出入

侍從因得參謀議納諫諍其禮尤寵

職林

翰林院

者在銀臺門內蓋藝能伎術召見者之所處也

韋執

誼翰林故事

文書詔令則中書舍人掌之

職林

自太宗時名儒學士時召草制然猶未有名號乾封  
以後始號北門學士 玄宗初置翰林待詔掌四方



表疏批答應和文章

職林

繼以詔勅制誥悉由中

書多壅滯始選朝官有詞藝學識者入居翰林供奉

別旨然亦未定名制詔書勅猶或分在集賢

集賢殿書院學士掌刊緝經籍凡圖書遺逸賢才

隱滯則承旨以采之謀慮可施於時著述可行於

世者考其學術以聞凡承旨撰述文章校理經籍

唐志

玄宗開元二十六年始以翰林供奉改稱學士別建

學士院於翰林院之南俾專內命其後又置東翰林院於金鑒殿之西隨上所在

帝執誼翰林志

選用

益重而禮遇益親至號為內相又以為天子私人凡學士無定員下自校書郎上及諸曹尚書皆為之入院一歲則遷知制誥未知制誥者不作文書

晉天福五年詔翰林學士院公事宜並歸中書舍人自是舍人晝直者當中書制夜直者當內制至少帝開運元年復詔翰林學士與中書舍人分為兩制各

置六員

五代職官志

宋翰林學士掌內制凡制誥赦勅國書及宮禁所用之文詞凡后妃親王公主宰相節度使除拜則學士草詞授待詔書訖以進赦降德音則先進草大詔命及外國書則具本稟奏傳書亦如之

續會要

太宗

淳化二年以翰林學士賈黃中蘇易簡同管勾差遣院而學士領外司自此始

會要

自是學士兼領他

司止焉職名同元豐官制行始專典內制故必帶知

制誥見孝宗會要

建炎兵興降詔之禮多廢紹興

舉行故事凡六尚書及翰林端明殿學士與曾任宰

執官不允並降詔從綦崇禮之請也

中興會要

隆

興改元詔學士及經筵官內宿稍復祖宗故事

乾

道又詔郊祀大禮依舊鎖院宣麻

先是紹興三十

一年詔明堂大禮合加恩官僚權宜更不鎖院宣麻

至是始復從周必大之請也

直學士院權直

唐制官序未至而他官權攝者為直

官 塵史云許敬宗直記室是也 唐五代有翰林

學士院而無權直 宋初開寶二年以中書舍人李  
昉知制誥盧多遜並直學士院而直院之名始此

塵史云但以資淺者為之其實正官也 六年以知

制誥張澹權直翰林院 時以多遜使江南使還如

故職而權直之名始此凡他官入院未除學士謂之

直院學士俱闕他官暫行文書謂之權直 會要續會

要云 孝宗乾道九年以崔端詩為翰林權直淳熙中

議者謂翰林非專掌制誥之地乃改為學士院權直  
孝宗會要

列曹尚書

尚書 唐虞官也書曰龍作納言詩曰仲山甫王之喉  
舌士之權貴不過尚書 又曰唐虞曰納言其在周

官為內史機事所總號令攸發

漢官解說

尚上也

言最在上總領之也辨云尚猶奉也百官言事當省  
案平處奏之故曰尚書尚食尚方亦然

韋昭辨釋名

周禮司會中大夫二人司會主天下之大計計官

之長若今之尚書

通典

秦時少府遣吏四人在殿中主發書故謂之尚書

通典

尚猶主也漢初有尚冠尚衣尚食尚浴尚席尚書謂

之六尚戰國時已有尚冠尚衣之屬矣

宋志

漢初因之武昭以後其任稍重

六典

武帝遊宴後庭

始用宦者主中書以司馬遷為之中間遂罷其官以

為中書之職成帝建始四年罷中書宦者又置尚

書五人一人為僕射而四人分為四曹掌圖書祕記  
章奏之事各有其任

其一曰常侍曹主丞相御史公卿事 其二曰二千

石曹主刺史郡國事 其三曰民曹主吏民上書事

其四曰主客曹主外國夷狄事 後又置三公曹

主斷獄是為五曹 晉百官志 尚書舊不分曹至是

始分曹 通典

後漢光武親攬吏職天下事皆上尚書與人參決乃下



三府 六典 以三公曹歲盡考課諸州郡事 改常侍

曹為吏部主選舉祠祀事 民曹主繕修功作鹽池

園苑事 客駕主護駕羌胡朝賀事 二千石曹主

辭訟事 中都官曹主水火盜賊事合為六曹是時

尚書雖有曹名不以為號 晉職官志

漢末改吏部為選部 六典 靈帝以侍中梁鵠為選部

尚書於此始見曹名

魏改選部為吏部主選部事又有左民客曹五兵度支

凡五曹

晉置吏部三公客曹駕部屯田度支六曹而無五兵

咸寧二年省駕部尚書四年省一僕射又置駕部尚書太康中有吏部殿中及五兵田曹度支左民為六曹尚書又無駕部三公客曹惠帝世又有右民尚書止於六曹不知此時省何曹也渡江有吏部祠部五兵左民度支五尚書祠部尚書常與右僕射通職不常置以右僕射攝之若右僕射缺則以祠部

尚書攝知右事

並晉志

康帝起居注詔曰尚書萬

事之本朕所責成也而廩秩儉薄甚非治體今雖軍國多費不為元凱惜祿其依令僕給尚書各親信五十人廩賜

宋有吏部尚書領吏部刑部三公兵部四曹 度支尚

書領度支金部倉部起部四曹 左民尚書領左民

駕部二曹 都官尚書領都官水部庫部功論四曹

五兵尚書領中兵外兵二曹 祠部尚書右曹當

時通職不俱置 起部尚書興立宮廟權置事畢省

南宋百官志

齊職儀尚書六人品第三秩六百石進賢兩梁冠納言  
幘絳朝服佩水蒼玉執笏負荷

梁與宋同武帝時尚書省置吏部祠部度支左民都官  
五兵等六尚書侯景改梁五兵為七兵尚書 又職  
官錄曰齊尚書品服悉與令同 亦別有起部尚書  
營宗廟宮室權置事畢則省 何胤字子季為左民

尚書後辭官隱於若耶山雲門寺勅給白衣尚書祿  
脩固辭 又到洽為御史中丞兄溉為左民尚書  
舊中丞小專入尚書下舍治引服親不應有碍刺史  
省詳決乃許入溉省亦以其兄弟素篤不能相別  
陳置尚書五員

後魏皇始二年三月分尚書三十六曹及諸外署凡置  
三百六十曹令大夫主之大夫各有屬官其有文簿  
當曹一奏欲以省彈駁之煩 十二月復尚書三十

六曹曹置代人令史一人譯令史一人書令史一人  
天賜二年二月復罷二十六曹別置武歸修勤二  
職武歸比郎中修勤比令史分主省務始光元年  
正月置右民尚書神麤元年置諸曹尚書十餘人  
各居別寺興安二年置駕部右士尚書

已上並後

魏官志

通典載後魏初有殿中掌殿內兵馬倉庫

樂部掌伎樂及角使伍伯

駕部掌牛馬驢騾

南部掌南邊州郡

北部掌北邊州郡五尚書其後

又有吏部

初曰選部

兵部都官度支七兵祠部民

曹等尚書

又有金部庫部虞曹儀曹右民宰官

元

禋為宰官尚書

都牧

元禋為都牧尚書

牧曹右曹太

倉太官祈曹神都儀同曹等尚書自金部以下但有  
尚書之名而不詳職事

北齊六尚書分統列曹

吏部統吏部考功主爵三曹

殿中統殿中儀曹三公駕部四曹

祠部統祠部

主客虞曹屯田起部五曹

祠部無尚書則右僕射

攝之 五兵統左中兵右中兵左外兵右外兵都兵  
五曹 都官統都官二千石比部水部膳部五曹  
度支統度支倉部左戶右戶金部庫部六曹凡二十  
八曹 吏部二公郎中各二人餘並一人凡三十郎  
也

隋高祖時吏部尚書統吏部侍郎二人主爵侍郎一人  
司勳侍郎二人考功侍郎一人 禮部尚書統禮部  
祠部侍郎各一人主客膳部侍郎各二人 兵部尚



書統兵部職方侍郎各二人駕部庫部侍郎各一人  
都官尚書統都官侍郎二人刑部比部侍郎各一  
人司門侍郎二人度支尚書統度支戶部侍郎各  
二人金部倉部侍郎各一人工部尚書統工部屯  
田侍郎各二人虞部水部侍郎各一人凡三十六侍  
郎分司曹務直宿禁省如漢之制

唐尚書與隋同龍朔二年改尚書為太常伯咸亨元  
年依舊歷代吏部尚書及侍郎品秩悉高於諸曹

宋朝太祖太宗監藩鎮之弊乃以尚書郎曹卿寺官出  
領外寄三歲一易坐鎮外重分裂之勢尚書侍郎郎  
中員外郎與九寺五監皆為空官特以寓祿秩序品  
位而已而凡省臺寺監皆往往以他官兼領故自  
真宗仁宗以來議者多以正名為請咸平中楊億首  
言文昌會府有名無實宜復其舊既而言者相繼乞  
復二十四司之制至和中吳育亦言尚書省天下  
之大有司而廢為閑所當漸復之然朝論異同未遑

釐正

神宗即位慨然欲更其制熙寧未始命館閣校唐  
六典元豐三年以摹本賜羣臣乃置局中書命翰  
林學士張璪等詳定八月下詔肇新官制凡省臺寺  
監領空名者一切罷去而易之以階五年詳定所上  
寄祿格而省臺寺監之官各還所職矣神宗常論蘇  
綽建復官制上自朝廷下至州縣悉分為六曹體統  
如一今先自京師候推行有序即監司州縣皆可施

行矣 六曹尚書侍郎為常式

哲宗元祐初置權尚書俸賜依守侍郎班序在試尚

書之下

四朝志

正三品崇寧罷

高宗紹興八年復置權尚書十年詔食邑格內將權

尚書在右右散騎常侍下

中興會要

侍郎

隋煬帝二年尚書六曹吏部禮部兵部刑部民部工部

各置侍郎一人以貳尚書之職並正第四品

六典注

今之侍郎其置自此始也夫侍郎之名舊矣

漢凡諸郎掌更直執戟宿衛諸殿門以待衛之故通謂之侍郎故武帝時東方朔為郎當時謂之官不過侍

郎位不過執戟是也尚書亦有侍郎通典尚書郎

初入臺稱郎中換歲稱侍郎漢官

梁尚書郎初入臺稱郎中功高者轉為侍郎是也五代

史志

案前代郎中侍郎兩署侍郎即今郎中之任

郎中即今員外之任也初學記

隋帝諱忠不置郎中

初學記

尚書二十四司諸郎中

謂之侍郎通若今之郎官非六部侍郎之任也

通典

自煬帝置六曹侍郎於是改諸司侍郎但曰郎又

改吏部為選部郎禮部為儀曹郎兵部為兵曹郎刑

部為憲曹郎工部為起曹郎以異六侍郎之名

通典

唐武德六年廢六司侍郎貞觀二年復

通典

降為正

四品下惟吏部侍郎為正四品上龍朔二年改為少

常伯 咸亨元年復為侍郎總章元年吏部兵部各

增侍郎六員

六典注

宋初以為階官至元豐官制行始有職掌元祐二

年初置權侍郎從四品如未歷給事中中書舍人及待

制以上者並帶權字祿賜比諫議大夫

四朝志

崇

寧改元遵元豐舊罷權侍郎建炎四年復置兵部

題名記

郎中

西漢置尚書郎四人分掌尚書事

通典

一人主勾奴

單于營部一人主羌夷吏民一人主戶口墾田一人  
主財帛委輸

光武分尚書為六曹每一人尚書則領六郎凡三十

六郎焉

初學記

秦置郎中令其屬官有三署五官中郎將左中郎

將右中郎將凡三署署中有郎中侍郎無員多至

千人分隸三署主執戟侍宮殿出則充車騎東漢

因之漢官云尚書郎初從三署郎選詣尚書臺試每



一郎缺則試五人先試牋奏初入臺稱尚書郎中滿  
歲稱尚書郎二歲稱侍郎故郎中侍郎之名猶因三

署本號也

初學記

西漢言郎者多非尚書郎唯田蚡少為諸曹郎是也  
文帝時馮唐為郎中署長直不疑盜同舍郎金武帝  
時顏驕為郎三世不遇武帝時楊雄為侍郎及諸言  
以貨為郎父任為郎皆三署郎至東漢猶難分有  
尚書及曹名冠首者即尚書直言為郎者亦三署魏

二晉以後無三署郎主作文書草

通典

魏自黃初改祕書為中書置通事郎掌詔書而尚書郎

有二十三人有殿中吏部駕部金部虞曹比部南主

客祠部度支庫部農部水部儀曹三公倉部民曹二

千石中兵外兵都兵別兵考功定課非復漢時職任

通

典

自漢以來尚書諸曹郎中侍郎或兩置漢代兩

置其職則同 魏 晉 宋 齊唯置郎中 梁

陳兩置

後魏 北齊唯置郎中 隋開皇中置侍郎 隋諱忠不

置郎中煬帝改曰郎

唐改郎為郎中 六典 龍朔二年改為大夫 咸亨

光宅神龍並隨曹改復 六典

宋初元豐官制行郎官理都守以上資任者為郎中 四

朝志

員外郎

隋開皇三年尚書二十四司各置員外郎一人 通典

品從第六謂曹郎本員之外復置郎也

六典

掌司

其曹之版籍侍郎缺則釐其曹事此今尚書員外郎

所由始也

通典

又注曰歷代尚書郎各以曹名為

稱首或謂之侍郎皆無員外之號前代史傳及職官

要錄或有言員外郎者蓋謂員外散騎侍郎耳非尚

書之職也又六典注云宋百官階次有員外郎美遷

為尚書郎煬帝三年廢二十四司員外郎每司減

一郎置承務郎一人同開皇員外郎之職

尚書諸曹各置員外郎吏部置二人 龍朔 咸亨

光宅並隨曹改復

六典注

宋元豐官制六曹郎官理郡守以上資任者郎中通判  
以下資序者為員外郎雖理知州資序未嘗實歷知  
州及監司開封府推判官者止除員外郎

四朝志

吏部尚書

周禮天官大宰掌建邦之六典以佐王治邦國 漢成  
帝置列曹尚書四人其一曰常侍曹光武改常侍曹

為吏部曹主選舉靈帝改吏部為選部以梁鵠為尚書魏改選部為吏部主選部事職右於諸曹尚書晉吏部尚書一人諸尚書品俸以上皆與令僕同宋置二吏部尚書廢五兵尚書尋復舊名齊

梁陳後魏北齊皆曰吏部尚書後周依周官書大冢宰卿一人七命隋復曰吏部尚書

六典

注

自漢及魏授此職者咸云吏部尚書若授諸曹

尚書直云尚書

初學記

漢魏晉世若授吏部者即

云以某為吏部尚書若授他曹云某為尚書至晉宋齊已後始云某授工部刑部五兵度支等尚書耳

然此官歷代班序常尊不與諸曹同也

六典

自魏

至梁並第三品梁定十八班班多為貴吏部尚書班十四諸曹尚書班十三

唐因隋制吏部尚書掌文官選舉又武德五年改選部龍朔二年改司列太常伯咸亨初復舊光宅元年改為天官尚書神龍元年復舊天寶十一載

改為文部 至德初復舊總判吏部司封司勳考功

四曹事 六典通典

宋雖沿唐制設吏部然名存實廢典選之職自分為四  
文選二 一曰審官東院

太平興國六年命郭贄考京朝官課淳化三年置  
磨勘京朝官院又以興國中所置差遣院併入號  
磨勘差遣院亦名考課院淳化四年實錄書以考  
課京朝官院為審官院而春明錄云大宋始置磨



勘差遣院後改為審官蘇紳言太宗始用趙普議  
置考課以分中書之權今審官流內銓即古之吏  
部也此書天禧中上涑水記聞云太宗患中書權  
太重向敏中時為諫官請分中書吏房置審官院  
刑房置審刑院熙寧間別建審官西院以主武選  
於是改審官院為審官東院焉

一曰流內銓

實錄淳化四年以幕職州縣考課院歸流內銓命

翰林學士蘇易簡領其事自後命近臣主之

武選二 一曰審官西院

涑水記聞云王介甫與韓子華合謀欲沮文潞公  
且奪其權一日發中旨置審官西院樞密初不知  
也韓絳傳云舊制升朝武臣皆選樞密院注授牙  
洛吏因為發絳請置審官西院如文臣格實錄熙  
寧三年詔西樞本兵任為重矣而徂於舊制自武  
職陞朝以上必兼擇而授之是公府而親有司之

為非遇股肱之意宜以審官院為審官東院別置  
審官西院專領陞朝武臣磨勘差遣命天章閣待  
制齊恢為知院

曰三班院

實錄淳化三年詔置三班院以崇儀副使蔚進掌  
之先是供奉官等悉隸宣徽院至是別置三班院  
以考殿最自後多命近臣主之

元豐定制以審官東院為尚書左選流內銓為侍郎

左選審官西院為尚書右選三班院為侍郎右選

道鄉集蘇丞相行狀唐制文選掌於吏部武選則  
兵部主之神宗謂自三代至漢未嘗有文武之別  
議者不知所處蘇頌言唐制吏部有三銓之法分  
品秩而掌選事今欲文武一歸吏部則莫若分左  
右曹以掌兩選又以品秩課格分治之無所不可  
上從之於是吏部有四選之法書左右選凡十五  
案左選掌缺案知闕案六品案七品案八品案

九品知雜上案下案甲庫案 右選注擬案大使

臣案小使臣案中庫案掌注案知雜案告身案

侍郎左右選凡十五案

左選注擬知闕案補闕案參軍上案下案主簿上案

下案縣尉上案下案入官案甲庫案格式案過院案

右選注擬上下案供奉官案殿直案甲庫案掌法

案知雜案而四選密矣

職畧

宋初張昭為尚書獨掌京官七品以下選及昭致仕以

他官領之

四朝志

元豐官制行以審官東西院歸

尚書左右選

四朝志

初除李清臣馬

職畧

建炎

詔六曹惟吏部備官餘長貳互置

題名

吏部侍郎

隋煬帝三年始置以貳尚書之職六品以下銓補多歸

之

六典通典

唐武德初因隋舊置吏部尚書掌六品七品選侍郎銓

掌八品九品選

會要

至七年省吏部侍郎貞觀二

年復置 龍朔二年改為司列少常伯 咸亨元年  
改為吏部侍郎 光宅元年改為天官侍郎 神龍  
元年復為吏部侍郎 天寶十一載改為文部侍郎  
至德二載復為吏部侍郎本一員 總章二年加  
一員以裴行儉為之本員為中銓新加員為東銓

通典云唐列三銓尚書掌其一侍郎分其二尚書所  
掌謂之尚書銓侍郎所掌其一為中銓其一為東銓  
隋置侍郎正第四品 唐諸曹侍郎降為第四品下

惟吏部侍郎為正四品上 會要六典

宋選人屬流內銓小使臣屬三班院 元豐官制行以

流內銓歸吏部侍郎左選 元豐元年御史舒亶言

天下選人名在吏部者且萬人索其家牒以式注籍

時將改官制先詔流內銓稱尚書吏部官制行歸吏

部侍郎左選 以三班院歸吏部侍郎右選 三班

舊例置局禁中嘉祐八年出之熙寧三年罷主簿二

元豐初又詔與審官東院流內銓各省主簿一官制



行歸吏部侍郎右選 左選掌文臣注擬遷叙之事

右選掌武臣亦如之初置二員蘇頌左選李承之

右選故事餘曹尚書侍郎通治曹事則同班惟吏部

分領四選 四朝志 自初任至幕職州縣官侍郎左

選掌之 自副尉以上至從義郎侍郎右選掌之

吏部郎中

周官太宰屬官有下大夫蓋吏部郎中之任也 後漢

置吏部郎中職在選舉 魏 晉用人妙於時選其

諸曹郎功高者遷吏部郎其吏部郎歷代品秩皆高  
於諸曹郎 魏 晉 宋 齊吏部郎品第五諸曹  
郎第六 梁吏部郎班第十一諸曹郎班第十 陳  
因梁隋煬帝改吏部為選部 唐為吏部郎中有二  
人 龍朔二年改為司列大夫咸亨光宅神龍並隨  
曹改復 六典 一人掌考天下文吏之班秩品命一  
人掌小選凡未入仕而吏京師者復分於九品通謂  
之行署其應選之人以其未入九流故謂之流外銓

亦謂之小銓

六典

宋元豐官制行置吏部郎中四人尚書選二人侍郎選各一人參掌選事而分治之凡序位有品選官有格分仕有職寓祿有階皆以事稽考審核其狀擬定可否質成於長貳而後行焉

四朝志

建炎二年詔三

選各一員 呂頤浩乞將司馬光併省疏召從官議

行也

司封郎中

舊主爵郎

職員令

北齊置主封郎中一人 隋曰

主爵郎 唐曰主爵郎中 龍朔二年改為司封大

夫 咸亨元年復故 光宅元年改為司封郎中

神龍元年復故 開元二十四年復為司封掌邦之

封爵凡有九等 六典

宋司封判司事一人以無職事朝官充凡封爵之制一

出於中書本司但掌定諡先期戒本部赴集而已

元豐官制行郎中員外郎始實行本司事初除王祖

道為司封郎中參掌官封叙贈之事凡宗室賜名授  
官親王內外命婦以下封爵諸親保任其宗屬陞朝  
官褒贈其妻皆隸焉列爵有九 自王至男 八國  
有三大中小國 內外命婦之品五自貴妃至貴人  
外命婦之號九自大長公主至縣君敘贈之制三三  
代二代一代 皆辨其位序以進之加食邑實封則  
視其高下之品以為戶數多寡之節凡事之可否與  
司勳通決於尚書

司勳郎中

周官有司勳上士二人凡有功者司勳詔之 後周夏  
官有司勳上士一人掌功勳之賞 隋文帝立司勳  
侍郎二人煬帝改為司勳郎 唐武德初為司勳郎  
中 龍朔元年改為司勳大夫 咸亨二年復故掌  
邦國官人之勳級凡勳十有二等十二轉 自上柱  
國至武騎尉凡十二凡有功效之人合授勳官者皆  
委之覆定然後奏擬 六典

宋司勳判司事一人以無職事朝官充凡勳官之賜一出於中書本司無所掌元豐官制行郎中員外郎始實行本司事初除穆洵為之參掌勳賞之事凡勳十有二級自上柱國至武騎尉自從七品推而上之至正二品三歲一遷必因其除授以加之凡賞有格皆設於此以逆其至焉若事應賞從其所隸之司考實以報則審核其狀以格覆之非格所載則參酌重輕擬定以上尚書省用前代帝系及勳臣之後則考

驗而奉行其制命會要

考功郎中

漢元帝時京房作考功課吏之法然其職不在尚書至

光武改尚書三公曹主歲書考課諸州郡通典

魏尚書郎曹有考功郎中宋齊並置功論郎中

梁有功論侍郎並考功郎中之任也北齊有考

功郎中隋文帝置考功侍郎煬帝改考功郎

唐武德初復為考功郎中龍朔二年改為司績大



夫咸亨元年復故

六典

掌内外文武官吏之考

課六典及功臣家傳碑頌誄謚等事

通典

考課之

法有四善二十七最其謚議之法古之通典皆審其

事以為不刊

六典

武德舊令考功郎中監試貢舉

人貞觀以來乃以考功員外郎專掌貢舉省郎之殊

美者至開元二十四年移貢舉於禮部而考功員

外郎分判事而已

通典

宋考功判司事一人以帶職朝官或無職事朝官充凡

考課之法分隸他司或以他司專領本司但掌覆太常擬謚及幕府州縣官流外較考之事 元豐官制行郎中員外郎始實行本司事 續會要 初除蔡洵

蔡京

職畧

掌文武遷叙磨勘資任考課之政令凡

命官隨所隸選以其職事具注於歷給之於其屬州若司歲書其功過應升遷選授者驗歷按法而叙進之有負殿則正其罪罰以七事考監司以四善三最考守令凡改服色者以年勞計之應謚者覆太常所

定行狀報尚書省官集議以聞凡立碑碣名額之事  
掌之舊置考課院其定殿最皆有考辭元豐悉罷分  
案十有七 五品案六品案七品案八品案九品案  
職官案參軍案令丞案主簿案縣尉案使副案供奉  
官案資任案校定案法案知雜案 元祐三年詔知  
州課法吏郎上其事于尚書省送中書省取旨縣令  
以下本部專行 四朝志



羣書考索後集卷七